

瑤

華

集

瑤華集卷七

行香子

八首

解佩令

六首

錦纏道

二首

風中柳

第二體
三首

厭金杯

一首

鳳凰閣

二首

青玉案

十五首

感皇恩

六首

兩同心

二首

帶人嬌

四首

天仙子

張子野體
一首

佳人醉

一首

蕓花結

一首

小桃紅

二首

紅娘子

二首

月上海棠

一首

江城子

平仄二體
十四首

西施

一首

東風無力

一首

千秋歲

九首

歸田樂引

一首

粉蝶兒

一首

憶帝京

一首

離亭燕

三首

蝶戀小桃紅

一首

師師令

二首

隔浦蓮近拍

二首

百媚娘

一首

傳言玉女

三首

風入松

一首

河滿子

三首

剔銀燈

四首

訴衷情近

一首

千年調

一首

下水船

一首

解蹀躞

一首

行香子

佳人

李天馥

翠曳煙綾蓮褪羅。膝儘呼盧懶較明。瓊舞殘。蛾眉歌罷。
鵝笙空。風前立。花前笑。月前行。奈可盈盈消受生。
生。鎖芙蓉。帳冷銀屏。鮎窗欲曉。鳳脰偏青。漸香初燼。漏初
懸。酒初醒。

小院

彭孫遘

小院殘春。金鎖重門。花陰裏。桐子回紋。彈琴清夜待月。
黃昏。想那時情。那時事。那時人。三年一瞬。兩情千里。
似蓬科。飄泊江村。淒涼玉柱。慘淡金尊。看燈如雨。雨如
夢。夢如塵。

茗中新歲

吳綺

水上山前柳底梅。邊啓衙齋只似荒園。問君行部管領誰偏。有一湖月千嶺雪。萬家煙客堂人散。胡牀獨自看春風。又入新年。都來幾夕。甚事堪傳。只連宵味前日醉。昨朝眠。

聞雁憶家

梁允植

野闊霜清。月落河明。正東方三五疎星塞鴻驚。喚蕉鹿初醒。似衡陽書琵琶曲上林聲。故鄉秋老錦綯西屏。絆浮踪望斷歸程。迢迢北雁字點天青。羨過恒山度滹水。傍神京。

題半瓢居

董以寧

疑是廉泉還似文園喜先生於此盤旋酒鎗花下棋局
鷗邊勝謝家池裴家壑米家船客來薄醉客去高眠
想羲皇欲往從焉何須碌碌更問塵緣羨上陽花平陽
第洛陽田

西陵月夜

王紹

問是西陵好借郵亭爲羈愁怕聽秋聲小窗清影殘月
三更覺睡難支燈未盡酒初醒自分飄零何處逢迎
到今朝琴劍無憑錢塘回首一片雲橫且擁寒衾追舊
事笑生平

題嘉庄農隱圖

方亨咸

古道平岡背郭茅堂抱前溪說是嘉庄犬隨饁女牛臥
斜陽好長兒孫數鵝鴨課農桑黃庭一卷綠樹千章
擁柴門早稻花香濁醪在手醉眼徜徉看山雲白溪雲
黑麥雲黃

溪上卽事

錢士賁

桃浪溶溶綠裊晴空喜盟鷗獨自攜筇春衣催浣試付
奚童見苔痕染酒痕漬墨痕濃水流雲去相看無盡
愛吾廬近隔谿東晚厨煙翠歸步從容有柴桑柳輞川
杏襄西松

解佩令

秋夜聞蟋蟀

倪晉

更移銀漏月懸玉杵一聲聲霜前私語說甚來由剛驚
斷天涯幽夢又催成閨中愁緒情深如訴恨長難敘
費清吟夜涼庭宇汝自悲秋偏向着小窗縷縷最堪憐
暗風疎雨

早春聽雲居寺僧彈琴

徐鉉

東風吹鬢韶光暗去怕難支羈懷情緒誰在禪房拂玉
軫綠垣低處恍瀟湘淚啼姚女灞亭秋老楓江雁叫
入清商彈來如許颯颯淒涼小窗下渾疑煙雨對梅花

此情低訴

牆外聞歌

吳本嵩

溪光千頃山光千頃暮春光麥浪千頃麥浪西灣翠竹
裊女牆斜整悄無人仄門曲徑。鵲絃隱隱鳳簫隱隱
燕鶯聲高下隱隱五尺牆頭把千尺春愁圍緊恨東風
去來不定。

寄丁象巖

沈謙

白龍湖畔黑龍山上記當初柳吟花醉善寫傷心強做
出湘潭憔悴到中年以愁爲諱。江魚不上江鴻不度
便相思芳馨難寄唱徹新歌杯在手都成愁淚趁西風

灑君衣袂

贈歌者七七

沈岸登

紅牙頻拍錦筵乍
啓夜厭厭河傾星碎
記聽歌聲曾隔
院催人夢起
驀相逢碧紗窗裏
遙山橫黛晚雲簇
翳剪瞳人一雙
秋水有限深杯便眞箇教儂沉醉
一回醒一番憔悴

西湖

顧瑛美

一般粧束高靴穿袂
吳盤龍垂鳳如覆錦帶
煙囊有倒挂寶鉤金
纒跨黃驄六轡如綉
高涼音調筚吹角和
似秋風飛雁關右翠
樹紅樓總讓却龍驤
勲舊列銀盃

酪茶爲壽

錦繡道

秋恨

張璜

守着偏嫌去了又生煩惱恁庭前桂花開好一尊誰與
同傾倒酒泛幽香少個人知道對西風自思漫縈懷
抱盼佳期巫山雲杳作黃昏四壁蛩聲有淒涼萬狀點
月窺窗小

夏景

釋濟日

夏日移舟消遣炎歊長晝小池中芙蓉如綉鴉鵲葉底
閑相候啣得游魚飛過蓬軒後聽垂楊渡邊笙歌送

奏綠陰陰山亭新構且科頭閒倚橋闌待薰風披拂吹
得波紋皺。

風中柳 第二體

春曉

紀映鍾

春盡荒城白水溶溶一片小橋橫綠楊如線幽禽罷浴
相喚平沙軟晝偏長凭闌人倦朱輪寶騎儘與年光
流轉問王孫歸期何晚連山芳草遮斷天涯面悄冥冥
珠簾頻捲

咏柳時客廣陵

葉舒崇

雨細風柔點染黃金千縷聽流鶯聲聲如訴隋家堤上

閱盡興亡數最消魂錦帆齊渡玉笛吹殘夢向故園
溪處依依可是臨岐路河橋折後盼煞歸期誤想凝粧
回樓春暮

丁未立春日

鄒祇謨

十日新年纔畢椒花家宴回樓待理殘針線東風有信
吹到深深院看搖動髻邊飛燕夾道湘簾無數玉釵
金釧尋春都向銅街轉梅花消息恰早枝頭見怕春愁
乍添嬌面

厭金杯

無題

錢芳標

香合初收門環早閉正獨兒隔花頻吠小鬟多事挑盞
碧紗燈閒語戲照徧鞦韆影裏老魚掉尾病鶴梳翎
惹無限浪猜虛悸熙春堂約幸是不曾來人未睡明夜
鵲鵲慢會

鳳凰閣

春晴

吳綺

聽朝來窗下幾聲靈鵲曉霞影透真珠幕最喜梅花臺
榭漸煖紅萼把燕子芹泥乾却佳人呵手鏡裏盡情
梳掠還教安頓秋千索思昨日雨和風何等輕薄怎便
忍將春閑着

汴京夜雨

陳維崧

被西風送到東京更鼓。又添隔巷數聲杵。暗想半生淪落。廿載羈旅。總不比今番淒楚。朦朧枕畔。不斷吳娘。鳴櫓醒來。有甚好心緒。人瘦也。恁黃花瘦也。如許。滴不了。秋簷夜雨。

青玉案

春思

陳子龍

海棠枝上流鶯囀。試小立。春風面。細草凌波紅一線。碧雲凝照。綠楊零亂。重鎖深深院。甘蕉翠滴。當心捲。寫遍相思空自遣。歸去枕函曾夢見。一天星月滿庭風露。

吹落梨花片

贈蔣京少

高士奇

晴陽媚月春花粲。差堪比君摘翰第二泉邊三徑遠。青
絲絡馬紫煙籠袖。肯爲蓬蒿戀。子虛定有同時羨。筆
漪文瀾驚撲面。十二玉欄閒倚遍。紅亭淥酒翠鬟歌曲
且把清尊勸。

用賀方回韻

王士祿

清宵盼盼銀河路。只惆悵華年去。客約芳期經幾度。紅
絃翠管風簾月簾。并與人何處。別時夏杪春還綠。燕
燕鶯鶯漫成句。舊事縈心還幾許。微酣曾訪短篷相遇。

荷葉西陵雨。

題平望湖畫幀

鄒祇謨

江天漠漠飛鴻去。曾憶向苕溪路。野漲接藍誰喚渡。紅船舫綠簑青鷁。鶼湖邊雨。斜川圖上煙雲暮。千頃波光凌尺素。莫道風波增幾許。釣筒茶竈。幡竿魚磬。便擬從他住。

桂樹傳是賈秋壑故居

秦松齡

雨秋愛踏西陵路。又細雨催人去。流水橫塘香暗度。桂花開也。且畱人住。時節當三五。荒涼院落誰爲主。傳是半閑堂下樹。花謝花開經幾許。斷煙衰草斜陽門戶。

風月平章處

紫雲洞

吳綺

遙看鳥道渾無路，但一澗沿花去。澗盡忽逢雲宿處，綠
蘿煙月碧苔今古。撐得媧天住，陰陰石磴鳴仙鼠。百
狀虬龍向人舞，足下分明聞客語。打頭空翠染衣香，霧
忽作山中雨。

無題

顧貞觀

天然一幅荆關畫，誰打稿斜陽下。只向愁人愁處挂，亂
鴉千點落紅孤咽。中有漁樵話，重來且莫登臨罷。剩
水殘山淚盈把，有情翻逐無情化。青娥塚上東風野火。

燒出鴛鴦瓦。

思鄉

余懷

秋來夢繞秦淮路。看天外鴻飛去。帆影斜陽。邀笛步。美人歌扇酒徒裘。馬總是關情處。綠楊紅豆。今遲暮。盼斷家鄉霜滿戶。陳苑梁臺。狐與兔。易衣巷口。杏花村畔。一夜溪堂雨。

臨淄道上

朱彝尊

清秋滿目臨淄水。一半是牛山淚。此地從來多古意。王侯無數殘碑破。冢禾黍西風裏。青州從事須沉醉。稷下雄談且休矣。回首吳關二千里。分明記得先生彈鋏。

也說歸來是。

暮春風雨

宋思玉

灞橋楊柳魂消處。正花落如紅雨。半捲湘簾新燕舞。辛夷欲謝。丁香還結。無奈春歸去。子規啼盡青山路。愁恨萬千經幾度。着意問春春不語。玉簫吹罷。闌干斜倚。底事傳鸚鵡。

楊花

史惟圓

楊花不綰春光住。任飄泊東西去。吹度園林千萬樹。穿簾透幙。窺窗拂檻。渺渺迷歸路。河邊橋畔應無數。化作浮萍向何處。無奈啼鵲聲正苦。風花嬌困。煙絲醉軟。

都付黃昏雨。

感舊

陳枋

窺簾映柱都無計。算只有更衣起。斜語博山煙霧裏。慘紅相服。嬌黃粧靨。再見傷顚顚。幾年辛苦蕭郎味。撲朔驚心小。鴉子。月黑花陰門半閉。迴頭似夢他生未。已賺今生淚。

宿烏龍江

成德

東風剗地飄榆莢。纔過了連天雪。料得香閨香正徹。那知此夜。烏龍江畔。獨對初三月。多情不是偏多別。別離只爲多情設。蝶夢百花。花夢蝶。幾時相見。西窗剪燭。

細把而今說。

弔古

閨秀 徐 燦

傷心悞到蕪城路。攜血淚無揮處。半月模糊霜幾樹。紫簫低遠。翠翹明滅。隱隱羊車度。鯨波碧浸橫江鎖。故壘蕭蕭蘆荻浦。煙水不知人事錯。戈船千里。降帆一片。休怨蓮花步。

姑蘇懷古

吳 綃

姑蘇舊是繁華處。默寂寞閑來住。轉眼年光三月暮。幾朝晴暝。幾番風雨。容易春來去。簾前隱隱門前路。腸斷離梁燕飛去。但是情來惟獨語。花間詩酒。塘邊簫鼓。

煙景漫空絮。

感皇恩

晚涼雜憶

陳維崧

記得鎮淮門。風篷競舉。都歇荷潭最深處。綠簑烏榜。雁翅玲瓏無數。嫩涼三萬頃。誰先取。茱萸灣冷。山光寺古。玉笋頻傾水天暮。酒紅上面。笑拊冰肌消暑。三年渾一夢。揚州路。

又

記趁過江船。遠帆疑豆。北固喧豗怒濤吼。江山如此。消得幾場詩酒。舉杯遙酹取。黃公覆。水雲縹緲。陽陰雜。

糝奇石成獅破空走竹林僧老坐我秋林閒晝半枝邛竹杖如人瘦。

又

記在百泉山盤渦漩湊雜佩叢鈴暗相觸。榴花如雪了。了遙明山屋蘇門蒸彩翠添銀瀑。誰家園子沿流嵌。麓晚飯家家雙湘竹。流連河朔此地從無三伏中宵生爽籟天新沐。

又

記在玉河橋夫街無賴被酒狂歌禁門外蒲桃晶透選。取招涼珠賽冷螢流殿瓦水初賣。倦聽太液蟬聲一。

派想像宸游甚時再飄紅墜粉鳳舫經秋都壞連昌宮
裏女誰還在

又

記在魯蒙陰霜楓濃淡疊巘層崖幻蒼紺秋生海市紅
日一輪孤陷晚涼催卸馱投關店雲迷石墮煙零玉
檢翠羽金支半明暗秦松西笑華掌碧蓮初染齊州青
八九纔如點

又

記在湧金門冷雲成画落月高樓水明夜佯狂脫帽行
到宋諸陵下碧羊纏石蘚眠官野一湖蓮葉半城樵

舍西子嫣然晚粧罷。隔江雪浪隱隱天風。檣馬在思橫。
萬弩迎潮射。

兩同心

嶺南歸興

梁清標

粧閣燈紅。王孫草碧。驚烽火羅袖啼痕。憶遠棹粉奩寒。
夕對東風。兩地牽愁。韶光拋擲。今日江帆回北。滿船
春色。雕籠鎖鵲。音圓名香。選鷓鴣斑。擘報溪閨不爽。
刀環海南歸客。

鴛鴦

宗元鼎

兩兩珍禽翠衿紅羽。春雨浴影。狎芳塘暖莎眠頸。交南

浦又看看踏浪齊飛相呼迴舞 賺得采菱游女柔腸
萬縷白玉臺溫鏡遲歸青螺黛張針未嫵空擎着泣蒂
紅蓮歸來無語

婦人嬌

湖上柳

陸求可

輕暖輕寒釀就湖頭柳色搖蕩處黛煙如滴朱樓掩映
繁玉郎金勒鎮日裏多少燕穿鶯擲 張緒當年風流
堪識蠻腰細東風偏忌三眠乍起共波光爭碧晴陌上
不送陽關行客

無題

吳綺

花壓紅檐縹緲紫雲一縷剛睡到画樓春雨雙鬟擁翠
怕鶯哥傳語誰解道情在煖香深處巫峽朝行洛波
晚渡難算得柔懷如許桃慵柳困細把看峰數人待起
還被眼波畱住。

秋閨

陸進

到得秋來添得淒涼情緒望一水盈盈誰語無端樓上
墮綺思佳句凝想着更無些兒是處江上芙蓉拒霜
含露竟沒個幽人爲主西風冷落任送歸塵土我且聽
花枝晚來微雨

晚浴

曹亮武

風送蟬嘶亂落夕陽庭院還只是晝長人倦香泉幾斛
向金盆傾轉似雨後水面芙蓉新澣小立花前輕搖
團扇乍喜得清涼無汗纖纖月色照綠雲低綰更領受
一縷晚香如篆

天仙子

張子野體

春夜

陳子龍

十二画屏圍楚岫一縷水沉攜滿袖小桃纖甲印流霞
聽玉漏人歸後兩點橫波微暈透荳蔻梢頭春尙瘦
雲膩煖金燈下溜鏡臺斜背解羅衣芙蓉繡生香扣寶
袜酥胸紅影皺

佳人醉

贈楊生孺小星花燭

生孺居中
山石曰洞

何采

繫得五絲一綰綽約低垂纖手正雨晴時候蘭橈檣燭
桃葉依舊醉倒溫柔鄉裏勝醉鄉千日中山酒 停舟
借問邀笛步前比將石臼一樣波光否儘消受櫻桃笑
口遮莫再添楊柳

蕊花結

燈下寄懷

沈豐垣

惟無端黯黯孤燈蕊花欲結料沒些憑據賺人何事拚
教撲滅別離恨支離句摠未曉甚時歇 誰還信斂雙

看長是爲伊愁絕。夜深時只欲把紫簫吹裂。還睡也枕兒畔挂一片明河月。

小桃紅

桃花

徐士俊

恨是桃花領病。是桃花併曉露堤邊。夕陽簾外斷腸紅。影想六橋深處。種成行。剩蘇家風韻。輕薄桃花性。飄泊桃花命。何事漁郎沿溪步入。武陵幽勝。算六宮粉黛。總消魂似胭脂填井。

怨情

吳棠禎

天不將儂管。酒不將伊勸。怎不銷魂簾兒不挂燈兒不。

暗恨錦帆不肯阻行人使衾窩不煖
花不開嬌臉柳不舒愁眼明日不來蛾眉不画羅衫不剪歎房中不是
不曾畱只郎心不轉

紅娘子

緋桃

朱彝尊

露井繁英積香徑游絲織宿雨猶含暖波頻漾短牆愁
隔記少年尋到赤欄橋得仙源消息
最恨東風惡飄上春泥溼易掩重門難逢人面斷腸空憶便浣花箋紙
染輕紅也無他顏色

前題

龔翔麟

千葉繁花映幾箇疎篁靜不傍粧樓不臨書幌只依書
徑似舊家姊妹隔江來恰雙雙相竝慣是斜陽凝未
怯春風冷纔踏流鶯又飛山鷓一枝難定試移根曲水
小橋邊伴澗裙人影

月上海棠

游顧龍山

山在金沙相傳
明太祖駐蹕地

陳維崧

一拳小結青蓮瓣有離離金剎鋪煙坂聞說當年翠華
巡朱旗暗卷殘碑在搖落空捫苔蘚京江北固千秋
顯傍南朝易惹傷春眼何似埋名却依然丹崖蒼巘春
花落鶯囀空山齋館

江城子

平仄二體

病起春盡

陳子龍

一簾病枕五更鐘。晚雲空捲殘紅。無情春色去矣幾時逢。
添却千行清淚也。畱不住。苦匆匆。楚宮吳苑草茸茸。
戀芳叢。繞游蜂。料得來年相見。画屏中人自傷心。花自笑。凭燕子。舞東風。

風膏

吳偉業

柳花風急賽清明。小兒擎走傾城一紙身。軀使欲上天。
行千丈。游絲收不住。纔跌地。倏無聲。憑誰牽弄再飛鳴。
御風輕。幾人驚。慣是江南二月聽。呼鷹趙瑟秦箏天。

外響彈不盡海東青。

偶見

丁澎

誰家嫋嫋画屏人。小腰身。怯羅裙。梳得牡丹新樣一堆雲。画裏曾逢樓上見。非盼盼。卽眞眞。一鈎紅玉踏香塵。月兒痕。辨兒新。將去裁量。柳葉只三分。翠袖低翻蘭麝遠。回覩處。好溫存。

韓平叔園亭賞荷

萬錦雯

空庭雨過暑全收。樹陰稠。鳥聲幽。四面簾垂閒挂小銀鈎。門外好山渾似画。看未足。又登樓。涼颼微度藕花洲。暗香浮。入杯流。向晚泠泠。急管促清謳。倚醉不愁歸。

路曉有明月更相留

春暮獨坐

晝長人靜小庭空
煖煙濃鎖簾櫳
枝上看看葉密漸成
叢
老去穠華留不住
還剩得幾多紅
鶯聲只在落花
中
又隨風過牆東
斗酒雙柑欲聽與誰同
追憶舊游如
夢裏無限恨又斜峰

郭南汎舟

杜濬

小春十日尙殘秋
過南樓汎蘭舟
只在梁鴻溪畔作閒
游
烽火通天通莫管
今不樂幾時愁
無端此地苦淹
留
甚風流不歸休
與客銜杯談笑覩神州
誰向尊前扶

一老驚楚雁，狎吳鷗。

閨怨

徐鉉

芳容消瘦柳腰柔，話離憂捲簾鉤。猶記別時南浦繫扁舟，月擔香盟成底事，千種意與東流。從今羞整玉搔頭。恨悠悠，懶凝眸。非是落花時節，怕登樓。縱掃雙眉，青似黛，鎖不斷許多愁。

清明

王顥

落花流水板橋西，遠村迷野煙低。青冢茫茫滴酒卽紅泥。還問從前忙底事，人不見，草萋萋。白楊搖曳不勝悲。紙錢飛，杜鵑啼。去年來，埋沒盡芳菲。一帶斜曛歸。

路晚風料峭怯春衣

新月

沈 洪

依微新月上簾櫳。挂梧桐。影朦朧。萬里長天，愁絕叫征鴻。
秋露又濃風又冷，偏憔悴，白芙蓉。關河渺渺信難通。
恨難窮。淚花紅。夢裏尋他何處，是行踪。半掩画屏山。
幾曲還錯認舊巫峰。

曉起

錢 曾

百勞啼徧小闌干。蝶飛還。夢初殘。人在綺羅香裏，度輕寒。
窗外海棠開也未。朝雨歇，捲簾看。杏梁春暖燕泥乾。
倚屏山。思漫漫。拖取柳條殘。恨上斜端羞整翠鈿無

個事空對鏡惜朱顏。

憶別

何龍文

別時猶自怯春殘。剪刀寒。坐更闌。小語叮嚀珍重記加餐。却愛子規沿路叫歸去也。早回鞍。而今不覺已秋還。路漫漫。恨漫漫。暗約當歸何事隔關山。只有相思千里月。清露下。好同看。

天台

王令

重來渡口問胡麻。水仍沙。樹仍葩。雨意雲情恍忽落山家。遙認翠微深處也有仙。犬吠桃花。分明蹊徑入煙霞。韻無差。影無譁。玉佩霓裳縹緲似難遮。隱隱雲峰招

我到纔幾許許乘槎。

用山谷體

仄韻

董黃

露桃枝上喚嬌身。怕春老。待春曉。三五盈盈。瓜字乍分。
早燕子。身材誰得似。張好好。蘇小小。藕絲衫。淡襯纖。
縞。鸞慵掃。蛾慵掃。真色生香。傳幅採芝稿。懊恨蹉跎紅。
燭底波渺渺。風嫋嫋。

閨詞

閨秀

楊琇

繡幃睡起倚香篝。鏡光浮。翠雲流向午。慙慙猶自怯梳。
頭。二十四風吹欲盡。花縱好。爲誰留。背人獨上最高樓。
樓捲簾鉤。黯凝眸。信道垂楊難繫。是行舟。渺渺關山煙。

水外芳草路織成愁。

西施

玉峰公讌席上贈施校書

陳維崧

半街絲柳帶煙拖。溪巷入官河。画船銀蠟。趙李夜經過。
聞說虫娘新自茸城到。喚取奏清歌。闌花荻荻開歌。
落重趁拍小。婆娑地。衣翠滑。扶不穩。蠻靴。嫌煞流鶯偏。
在東風底學唱定風波。

東風無力

南樓春望

沈謙

翠密紅疎節候乍過寒食。燕衝簾。顰睨樹春風無力正。

斜陽樓上獨憑欄。萬里春愁直。情思懨懨縱寫徧新詞。難寄歸鴻雙翼。玉簪恩金鈿約。竟無消息。但蒙天捲地。是楊花不辨江南北。

千秋歲

雪霽和內

李元鼎

遊絲黏砌。漸覺清光媚。鐘欲斷。雲初起。輕寒餘雪悄。茗戰鑪煙沸。還問取。從來萬事無如醉。有個閒風味。歸棹隨江水。聽說罷。情難已。池邊芳草綠。簾外鶯聲碎。宜去也。花開花落誰容易。

春愁

陳子龍

章臺西弄。纖手曾攜送。花影下。相珍重。玉鞭紅錦袖。寶
馬青絲鞵。人去後。簫聲未斷。秦樓鳳。苗苗雙燈捧。翡
翠香雲擁。金縷枕。今誰共。醉中過白日。望裏悲青冢。休
恨也。黃鸝啼破。前春夢。

至日泊廬山下

梁清標

遙青縹緲。彭蠡湖天曉。葭管動。陽回早。香閨添綵線。画
閣薰龍腦。人何處。樓船官燭寒相照。兵氣連孤島。戰
壘埋荒草。傷往蹟。渾如掃。爐峰煙未改。鹿洞雲還繞。濤
萬疊。月明一點。匡廬小。

春情次少游韻

吳綺

春風簾外不放春愁退。魂欲斷腸先碎。金釵留寶鈿錦
字。縈羅帶。人去也。鴛鴦六六空成對。夢向西樓會醒
剩衾花蓋。山枕畔。言猶在。丁香枝自結。松栢情難改。君
不見。南山帝女能填海。

丹麓過訪將游長干中道而阻 蔡方炳

蓬門不換村郭平分半。容久別交難變。浮名人共惜。能
事吾何賤。欣把贈一編。世說香生卷。當世誰玄晏。百
軸縑緗亂。評今古。增嗟嘆。孤舟千里思。雙屐三山願。歸
去好。六橋花柳春光幻。

春愁

錢穀

鶯聲初弄。小閣東風送。纔憶起春山重。蘭膏留玉佩。桑
陌停絲鞚。憐去路香泥應染鞋頭鳳。懶把金卮捧。且
着晶簾擁。無限恨千秋共。幽篁帝子淚。青草明妃冢。同
寂寂。昔時紅粉今時夢。

贈王丹麓

錢肅潤

星移物換百歲春光半。風景一滄田變。清標瓊樹貴。白
眼紅塵賤。堪寄傲牀頭著述頻堆卷。正值湖山晏。豔
卉蒼苔亂。觴味樂人稱歎。丹丘隨處有林麓。長抒願歌
一闕。千秋漫說神仙幻。

又

汪文楨

荷衣休換。世外神仙半。心似石。真難變。科頭時自喜。束帶君應賤。雲滿徑。閒來手定松溪卷。欸竹門開晏。語笑聲還亂。詩入妙。掀髯歎。市朝塵土色。書画林泉願。青鏡裏。朱顏綠髮何曾幻。

又

高 兆

三公不換詩酒平分半。滄海淺桑田變。文章天地壽名利泥沙賤。誰占取半生南面書千卷。未是年華晏短髮從撩亂。拈彩筆。供吟歎。潔身行我法。清興隨君願。真自在。眼中一任煙雲幻。

歸田樂引

題王石谷晴郊散牧圖

陳維崧

散牧涼秋月。或樹根痒而摩者。或飲寒湫。窟渡者人立者。蹄者鳴者。喜則相濡。怒相齧。矜秋露毛骨。叩首森然如陵闕。綠崖被坂。鬱蔽滿林樾。馳一塞馬。七豕牛羊百三十。牧笛一聲日西沒。

粉蝶兒

籬菊

陸進

菊初花被。昨夜早霜壓壞。似弱息低頭。姿態問何因。不肯向春風闌采。到今朝零落晚香籬外。記當年有葛巾陶令。曾愛白衣人。送酒難再。且開懷把閒愁。暫時忍。

耐看殘英更有西風無賴。

憶帝京

丁未上巳

鄒祗謨

蘭亭梓澤曾經處。消受画船簫鼓。水次接流觴。石畔看
嬌舞。走馬杏花堤。爛醉辛夷塢。且莫道酒龍詩虎。只
一枕春醒停午。浮白何時踏青無伴。蕭蕭竹徑銷風雨。
紅萼爲誰妍。翠禽相對語。

離亭燕

咏燕

柯 尊

趁得春風飛絮來。認杏梁雕處。畱下舊巢。渾不改。且喜

主人相許新補野芹香。竝立綺窗喃語。社酒甫經殘暑。又是簷風疎雨。王謝玉樓成草舍。漫聽旗亭金縷。海外故鄉遙斜日。捲簾歸去。

杜鵑花

陳玉璣

殷紫猩紅如炙。豔抹濃塗顏色。多少東風吹不褪。重疊胭脂堆積。深院月三更。枝上悄然悽惻。望裏故宮無極。鳥鳥花花愁絕。滴盡淚珠猶有恨。染透淚痕成血。幾度認花身。蜀道舊曾相識。

龍門懷古

沈永令

誰把飛流橫瀉。秦晉一絲分界。翠壁鑿痕千仞。立萬里。

銀濤天挂。隔岸倚危樓。掩映琳宮紅榭。幾朵雪花輕
灑。白尺冰橋高跨。隴樹洮雲何處。是惟有。蓮峰太華遙
望。夕陽關。片片輕帆東下。

蝶戀小桃紅

秋思

沈謙

多情却被秋倂慙。冷落西風正在重陽後。別淚淋漓淹
錦袖。漫將人憔悴。比黃花比黃花還瘦。三年不鼓求
凰奏。愁壓睂山鏡裏。時時闌剔。盡殘燈。捱玉漏。要紗厨
重照影兒。雙問今生能覓。

師師令

丁未社日

鄒祇謨

紅深綠淺恰石欄開遍拾將百草闌輸贏減春色花飛
一片細雨社翁飄點點任東風吹轉 閨人此日停針
線在朱櫻庭院微寒料峭捲湘簾怕悞却去年歸燕小
鵲鵲黃傾幾盞做看花春宴

咏雛姬

陳維崧

勻紅剔翠擲星眸斜賣春嬌尙未忒玲瓏却已會三分
無賴笑匿花叢衫影在怨風吹羅帶 銀箏研緊雞鳴
快做帶人情態玉船頻到只推辭道酒病昨宵曾害接
碎紅梅庭下灑罵粉郎心壞

隔浦蓮近拍

暮秋江上偶步萬佛林

陳維崧

西風吹響古木。亂葉埋僧屋。畧約鋪蒼蘚。攀樹嚶穿崖。
腹江郭圍楓榭。登山麓。遙望銀濤。蟲駭心目。王珣池
館。沙鷗浦鴨爭浴。一聲齋磬。彷彿雨霖鈴。曲踏遍。繚垣
尋斷。鏃茶熟。老僧帶暝歸獨。卽黃介子先生舊宅

賞荷

曹亮武

馬蹄秋水漫讀。傷舍叢陰綠。雨過看逾淨。池軒敞波紋。
穀兩兩飛鷺浴。藕花蠹翠葢圓如幅。倚紅玉。香風十
里爲誰吹盡。炎燠。嬌娃蕩漿。摘得荷房盈掬。薄暮採蓮

歌一曲聲續此時天水新沐

百媚娘

本意

潘雲赤

愁黛遠山微皺笑眼橫波初溜纔一見人忙退後道得
勝常羞走十二曲闌花影瘦風裏香痕透不肯去時
回首故掩梅紅羅袖惱殺春光如錦繡遮障霧花煙柳
佇立閒階還未久驀被黃鸝咒

傳言玉女

上元

顧貞觀

今夕何年長覺漏喧人醉星毬百轉是月宮親綴蕭疎

新意更簇幾行金蕙紅兒絕巧紫姑分慧珠箔
高揭起元宵謎踏歌聲裏時有瑤釵墜暗塵殘雪領出
夜香寒翠爲伊擔閣梅花清睡。

咏白鸚鵡

柯維楨

珍鳥何來光映一庭晴雪舞翻粉翅慰佳人愁結自向
樊籠久隔珠宮琳闕繡閣傳言綺窗窺月亦似多情
欲黃昏嬌語歇微風初起把蝦鬚輕揭喚住雙鬟欸欸
向伊低說惟他燕子雙棲時節。

花間雅集用宋人胡浩然韻

曹廣端

萬點花飛似綴枝頭春雪恰逢良會對青山翠結花間

小閣野色遙連雙闕。一觴一味漫談風月。滿徑苔痕
聽鶯聲啼又歇。酒酣起舞忽風簾自揭。何處佳人隔院
折花低說。清明近也。鞦韆時節。

風入松

無題

朱彝尊

朝雲不改舊時顏。飛下屏山。巖城乍報三通鼓。何由得
遮夢重還。露葉猶聞響屧。風簾莫礙垂鬟。簪花小字
篋中看別思。迴環穿針縱有他生約。悵迢迢路斷銀灣。
錦瑟空成追憶。玉簫定在人間。

河滿子

晚晴

徐時浚

暮色空濛一碧颯然小雨纔過水榭涼潭三萬頃煙中
不斷菱歌何處好風陣陣綠香早汎新荷搔首青天
試問閒來徙倚庭柯峽口月輪弦欲滿今宵枕簟涼多
狂飲自消良夜觥船并吸銀河

弔古

顧彩

悵望雄城七十淒涼寶劍三千六國強秦都付與阿房
一炬烽煙當日英雄事業算來幾箇流傳漢將夜開
榆塞羌兵曉度祈連驃騎長平俱戰沒夕陽衰草連天
獨有古時明月至今還照三邊

閨情

閨秀 徐燦

蘭炷舊縈裙。玉纖新換箏絃。惆悵一聲河滿子。雙流
珠淚君前。七十二峰霜色。霎時吹到愁邊。碧海青天
夜夜綺窗綃帳年。樓外金堤堤上月。背人幾度偷圓。
可惜紫駟嘶處。一行楊柳依然。

剔銀燈

許際斯總戎出家伎。倒喇次韻 丁焯

花氣潛勾芳醞。羅一字鶯喉。蟬鬢拍按紅牙。箏調鈿柱。
對對鏡。驚催滾。纖腰曲處。銀蠟顫。寶鬟偏穩。席倚韋
娘。最近誤曲似傳春恨。願作香塵。平鋪錦。麝好趁。生弓

三寸醉魂銷盡莫更灑縷衣金粉

咏寒檠

吳白酒

慣耐寒更滋味應只是一龕斜背短檠讀書長檠歌舞
不是年來情思支頤憑几好畱待竹爐茶沸冷冷清
清如是生怕膏銷難繼燼落微明頻挑不釵似恁病懨
懨地坐深驚起歲又暮久吾衰矣

前題

曹亮武

憂觸琅玕欲碎聽慘罷六花還未撥盡鑪灰磨殘凍墨
一盞寒檠斜背連宵天氣怎逼得光兒逾細直是冷
清清地記起十年前事滅處情親燒時心熱那怕夜長

難寐如今何意照不了五更滋味

前題

陳枋

獨院偏荷黯黯冷靠遍綺疏書檻
潑黝煙霏小紅花落
人影寫來都淡風簾低撼遮不住青熒熒閃
閒數十年
淒慙曾在野航山店一盞背窗半衾聽雨愁絕解衣
殘燭寒光搖劍照無睡心清更點

訴衷情近

秋懷

沈豐垣

危欄獨倚對景翻教怨極亂山疊翠東來斜日淡紅西
匿慙慙庭柯葉墮風滯哀蟬欲噪渾無力空沾臆恨

不身生兩翼南魚北雁何處尋消息怎忘得花因小立
常遮月到幽期先黑替整冠兒側

千年調

本意

丁澎

問汝欲何爲先生且休矣坐上美人名酒咄嗟何事五
湖非窄隨處扁舟是吾師乎古之人鵬夷子 敝廬之
側非隱兼非市若道田園可戀庸安人耳有時歸去且
傍南山醉吾友乎古之人陶徵士。

下水船

暮次丹陽

宿周丹申齋同
湯谷賓夜話

陳維崧

風吼凌亭樹，隳黑難投逆旅徑。詣君家呼酒，喃喃爾汝。
此間路一派，濤轟沙莽幾陣煙。淒風苦，凭闌顧霸氣。
荒終古笑問寄奴，何處若爲吾歌。吾爲若拍張舞，天將
曙起，掃車箱冰花，爭火僕夫寒語。

解蹀躞

夜行滎陽道中

陳維崧

峽劈成臯古郡人，雜猿猱過斷崖，怒走蒼龍立而臥。此
乃廣武山乎，嘻噓古戰場哉，悲來無那。卸鞍坐煙竹，
吹來入破一林纖。月墮雁聲不歇，砧聲又攬和，歷歷五
點三更馬頭漸近滎陽城頭燈火。

題曹南畊臬亭

陳長慶

一幅倪迂圖本譜作蕭齋境居然位置溪山帶三徑斷
欄絡以斜橋竹間結就方亭極宜朝景更娟淨當戶
危坡仄嶺參差見梅嶺行來尙隔臨流共清影何必遠
水遙岑憑君踞石攀梧僊饒幽覲

瑤華集卷八

婆羅門引 二首

風入松 四首

側犯 二首

祝英臺近 五首

一叢花 一首

過澗歇 一首

御街行 二首

紅林擒近 一首

金人捧露盤 五首

鎮西 一首

柳初新 二首

最高樓 二首

鬪百花 一首

千秋歲引 一首

鷲山溪 三首

瓜茉莉 二首

新荷葉 二首

拂霓裳 一首

迷仙引 一首

洞仙歌 十四首

滿路花 二首

秋夜月 一首

華胥引 一首

簇水 一首

鶴冲天 四首

江城梅花引 二首

滿園花 一首

剪湘雲 一首

惜紅衣 一首

玉人歌 二首

雪獅兒 一首

魚游春水 三首

鵲踏花翻 五首

一枝花 一首

意難忘 二首

轆轤金井 二首

法曲獻仙音 一首

東風齊着力 二首

露華 一首

婆羅門引

香櫟

陳維崧

晚風千顆纍纍纔與画檐平
綻來剛趁秋晴
惟底勻圓如許
青女手搓成
乍迴廊小
摘冷韻旋生
冰蕊翠罌壓疊在小
紅檠弄影
夕陽黃處
檀暈偏明
空香如雨
篆宜人昨夜
恰微醒
何須數
西崦霜橙

題露舫祠

露舫祠下寒篷渺渺去何之
停橈一問靈旗
悵悵千年古廟陳蹟
幾人悲
只風前燕子
雨後棠梨
俯仰歔歔

憑弔處更憐誰惟有淮陰漂母一樣蛾眉佔船爭泊問
何人拂蘇一題詩依稀見玉佩珠衣

風入松

題画中蘆腹

李良年

瓜華豆莢已闌珊。采摘記霜前。全勝二月楊花瘦，斜陽
陌吟渴須餐。慣見銀釵小婦，迎風挑向筠竿。誰分野
色上毫端。玉本壓紅圓。前身定是長沙易寫生處，一樣
流傳。倦客清齋久矣，何人遺鮓香山。

清和

汪森

清和麥秀過春三。隨意訪苔龕。禪房花木陰清，晝挂朱

藤倒影空潭。書帶草生搖碧。縠紋波動。揆藍池邊。饒鶴鏡虛涵。俯啄白魚。饒經繙貝葉。金函古衣偏袒。敷坐瞿曇。香積餐餘蔬笋。法堂看盡松杉。

游白雀寺歸舟

沈爾燦

一回新綠換年華。煙樹幾人家。乘春結伴前坡去。聽橋邊村鼓頻撾。拾翠縷金裙亂穿花。軟玉鞭加。相呼趁早醉流霞。疎柳漸藏鴉。等芳得意今朝事。到明朝依舊天涯。數盡船頭船尾。無非桃葉桃花。

寒鴉

蔣景祁

朝翔恰散早朝班。夕影下煙巒。柳堤葉盡無藏處。霜颼朝翔恰散早朝班。夕影下煙巒。柳堤葉盡無藏處。霜颼

冷飛去飛還落日空潭古戍孤村疎樹前山 昭陽曾
黯玉人顏攏鬟曉來寒黃雲城畔歸樓惡秦川女機上
聲殘呵指挑成錦字停梭重驗刀鐮

側犯

閨情

毛先舒

小桃枝上鶯啼斷花陰悄風小弄一縷殘香瘦煙裊
慵來意歷亂睡起雲繚繞天杳記幽夢飛回楚雲杪
深深院落見說閒中好還惱奈撲地楊花把春攪蝴蝶
簾櫳鴛鴦池沼看他女伴踏青歸早

貞娘墓

丁澎

青山埋玉土花洗碧榴裙點幽咽看松木吹煙惹飛蝶
雨凋金盃淨花撲魚燈滅香骨伴楓下狐狸弄秋月
露黏星牖早被東風歇魂怯傷衰桃不敢齒啼鴂何處
追尋粉肌如雪斷腸人共清明時節

祝英臺近

夏景

羅坤

雨迷離煙靄隸正是熟梅節露井榴花點點墜紅雪綠
窗小女凭闌無人催繡且收拾鴛鴦針帖雙鴛結昨
宵夢怯銀屏淚瀉似珠脫燕語商量占得西闌幾時
柔櫓蘭橈相邀姊妹同去採蓮花蓮葉

過廢園有感

朱彝尊

紫簫停錦瑟，遠寂寞舊歌扇。萍葉空池，臥桺掃還倦。便
令鳳紙頻書，片泥長潤，招不到別巢秋燕。露華泣，猶
剩揄髻金鈴，殘菊四三點。階面青苔，不雨也生偏。縱餘
一縷香塵，襪羅曾印，奈都被西風吹卷。

泊黃浦

吳儀一

大江流斜日，暮風急浪花舞。煙柳西村，人道是黃浦。當
時飛閣層臺，美人何處，應化作九峰雲雨。暗潮去，爲
我喚起春申，悲哽弔荆楚。楚滅秦亡，塵世幾今古。海鷗
何不歸來，濛濛水霧斜橋外，又喧津鼓。

西湖暮歸

萬錦雯

引鷗朋招鷺侶棹入採菱浦。久慣舟人指與六橋渡。綠
楊處處陰濃纔催解纜被幾箇啼鶯畱住。醉猶佇不
知買酒無錢明朝約來補已近黃昏忘記舊時路最憐
明月多情分開煙樹却緩送画橈歸去。

秋思

王賓

咽蟬風飄鶴露寂寞紫蘭渡。指點繁華歌吹竹西路孤
鴻一點飛來數聲蘆管好送人晚煙催暮。凭闌處却
笑明月無端偏向玉鈎住垂柳千絲綠慘做半城霧年年
慣自悲秋幾回搔首曾便忍送將秋去。

一叢花

丁未人日

鄒祇謨

輕寒側側下簾櫳。細雨乍濛濛。盆池淺縐，冰初解，便山
茶斜著，殷紅四見。丁年幾逢人日。萬事酒杯中。銀幡
鳳倚。繡花叢小。閣影朦朧。辛盤七種羹。方薦問梅花點
額。還空剪綵爲人。縷金作勝。都未見春風。時向未
立春

過澗歇

暨陽秋城晚眺

陳維崧

壞堞頽關暮煙積。悄乎無人。祇聞江聲千尺。混茫極恍
見水仙。海妾採月金鰲脊。吾長嘯泉底。恐驚織綃客。

春申遺壘在古戍吹笳亂洲伐荻碎把闌干拍沙草無
情不管與人朝朝暮暮西風只送巴船笛

御街行

晚望

董儒龍

薰風好處行人路鶯舌巧偷錢舞天長草樹接雲霄野
闊牛羊如鴛晚煙綠漲夕陽紅淡又早千山暮農家
築就新塲圃麥未刈秧先佈荒村燈火夜寥寥夫婦牛
衣中語可堪淒斷一聲画角吹徹樓頭戍

燕京元夜

閔秀
徐燦

華燈看罷移香屣正御陌游塵絕素裳粉袂玉爲容人

月都無分別。丹樓雲淡。金門霜冷。纖手摩挲怯。三橋
宛轉。凌波躡。斂翠黛。低回說。年年長向鳳城游。曾望蕊
珠宮闕。星橋雲爛。火城日近。踏徧天街月。

紅林擒近

春思

吳偉業

龜甲屏還掩。博山香未焦。鸚鵡暖猶睡。曉鶯上花梢。醒
來擡身半晌。細雨溼夢無聊。女伴戲問春宵。笑頰暈紅
潮。替黛新月偃。羅襪小蓮初。更衣攏髻。背人自折櫻
桃。恐玉郎起早。日長倦繡。小樓花落。吹洞簫。

金人捧露盤

觀演秣陵春

吳偉業

記當年曾供奉舊霓裳歎茂陵遺事淒涼酒旗戲鼓買
花簪帽一春在綠楊池館逢高會身在他鄉喜新詞
初填就無限恨斷人腸爲知音仔細思量偷聲減字画
堂高燭弄絲簧夜深風月催檀板顧曲周郎

蕪城懷古

許承欽

斷釵青燐火碧鼠姑紅記吳公臺下相逢紅梁美醞麗
華哀怨隱游龍玉鈎繡瓦秋螢苑想像芳容野蛾生
凝暉殿驚湍咽太慈鍾歎荒岡玉蝕屏銅珠堂月觀但
聞老衲夜談宗鮑家鬼唱紅橋外落葉西風

憶舊游

彭而述

記燕臺舊游地。百花紅。正西山煙雨濛濛。承天門外。綉袍錦帶。馬如龍。酒錢夜數。當壚女。買醉新豐。幾何時。成霜鬢。離宮在。夕陽中。易衣巷。無復江東。五侯七貴。西風一葉。響梧桐。海青嘹唳。塞笳起。淚灑英雄。

盧龍懷古

尤侗

出長安。臨絕塞。是盧龍。想榆關血戰。英雄南山射虎。將軍霹靂吼。雕弓大旗。落日鳴笳。起萬馬。秋風問當年。人安在。流水咽。古城空。看雨拋金鎖。苔紅健兒。白髮閒。驅黃雀野田中。參軍岸幘。戍樓上。獨數飛鴻。

荆壁鋪爲漢淮陰侯講兵處

蔣景祁

歷燕南臨趙北弔淮陰感當年荆壁猶名傳將赤幟邯鄲萬騎盡開營歸來帳下椎牛會脫甲論兵
痛英彭羞絳灌譏呂雉恨陳平嘆僞游雲夢無憑將軍血戰縛身兒女一何輕重瞳若在英雄淚定解憐卿

鎮西

送陳六謙之任安邑丞

朱彝尊

雪晴鵲正酸風交射河橋外雁壺重瀉沉吟者計郵錢此去娘子關西春光滿野琴堂到時元夜
蘭燭地玉鈎山翠繞畫簾靜也料哦松合多亭榭堪游冶笑丞

哉何負紙尾教鉗龍蛇恣寫須添墨池官舍

柳初新

丁未清明

鄒祇謨

二十四番花信滿曾幾日春過半
嬌花纔綻榆煙又改
野鳥提壺相喚何處秋千池館
画旗邊餉簫聲緩
蘭葉小舟不見悵春情半篙流短
蒼髯枝老綠腰草細飄散玉錢無算
多少翠襦金盃奈傷心鶯捎蝶亂

本意

丁澎

雪殘小苑東風任已放嫩黃初吐
蝶香未染鶯梭猶滿
夢穩池塘輕霧最惜纖腰如楚
恐難禁灞橋人去
翠

閣凝眸無語看春衫半分金縷因風嬌裊柔條無力挽
不盡隴煙湘雨及早和他同倚怕消魂夕陽飛絮

不字

最高樓

春閨

錢 嫌

銀閨曉花煖拆初雨紅上侍兒簪深愁幾度彈文鵲薄
粧應爲浴新蠶問流光春九十已過三 方纖罷回文
機上錦又繡得砑羅茵畔枕風剪剪柳毵毵多時卜信
藏蛛子無心鬪草賭宜男憶征人曾有夢到江南

九日登牧仲振衣樓

劉 榛

疎嬾久爲爾一登臨秋色恁蕭森西風遙送千林暝東

籬強被二毛侵。問聲聲何處笛。那家砧。日不管煙燒
秦塞黑。耳不管笳吹。衡岳坼。歡樂也。趁如今。孟嘉自分
元無帽。陶潛何必果能琴。夜初長。歌再發。酒重斟。

鬪百花

味瓶中海棠

高士奇

雨過園林晴晝。又早暮春前後。名花獨倚芳叢露。溼胭
脂初透。折取歸來。更覺丰韻撩人。正是欲開時候。翠壓
垂紅袖。低亞簾櫳。愛護殷勤。相守妖嬈無力。梨花半
同消瘦。恁煞東風。慣能搓捻韶華。故把輕寒拖逗。

江行卽事

王琪

一葉扁舟前去經過亂峰無數魚村返照斜陽曷道高
懸疎雨危坐中流堆起雪浪如山盡被掀頭衝破胸次
廓千古雁陣驚寒亂落平沙晚渡投至十里蘆花暫
時脩羽試問篙師蕭蕭江上何聲風觸兩邊紅樹

千秋歲引

警悟

曹爾堪

囊底枯螢簷頭乾鵲辛苦功名亦何樂饒他虎氣今爲
鼠儘教龍蟄猶如蠖賣漿家飯糲市多寥落私美尙
平登五嶽何用季布矜一諾今古英豪總蕭索東華軟
塵劇犇走北邙枯塚終棲託猛回頭上蔡犬華亭鶴

驀山溪

寒食

陳子龍

碧雲芳草極目平川繡
翡翠點寒塘雨霏微淡
黃楊柳玉輪聲斷羅襪
印花陰桃花透梨花瘦
試徧纖纖手去年此日
小苑重回首暈薄酒闌
時擲春心暗垂紅袖韶
光一樣好夢已天涯斜
陽候黃昏又人落東風
後

易江渡

曹溶

秦灰一掃不稱將軍意
名馬壯年時大陳兵重
瞳小技真人未決力戰
幾千場婦人語故鄉思
點點英雄淚讀書擊劍
沒箇青雲器隻手易侯
王霸西楚縱橫如意

與闌神盡何必諱天公江東小髑體寒劉季多猜忌

青溪懷古

顧貞觀

多情長願投老秦淮任華髮縱歸來怕不似少年羈旅
橫江酹月才魄怨消沉歌伴侶邀商女一曲青衫雨
青溪祠宇沒箇迎神嫗官柳繫興亡尙拂面六朝煙縷
無窮金粉都逐去來潮桃葉渡相思樹遺恨今何許

瓜茉莉

本意和宗梅岑韻

曹貞吉

玉蕊離離只飛瓊可比添多少晚窗清氣風前小立微
嗅處詭人嬌意黃昏後雨過新涼金蟲簪兒串起新

粧髮髻紗幘，傷鴉鬟底窺斜月。花光流墜，餘香幽約，收來枕畔。合子待明朝，淡抹遠山相對。碧天澄澄似水。

本意

曹亮武

記得嶺南在蠻娘之圃，飄流過章江，溢浦米肌玉魄銷。受了許多炎暑，試看他月上欄干，把芳心向人吐。摘來綃帳色濛濛，尚沾露還念汝遠拋鄉土。洛妃解珮，宛然一樣丰度。到夜深隱隱冷香無數，多應是惹愁處。

新荷葉

夏日過天長放生池馬上作

陳維崧

席帽炎途長，征事與心違。歇馬溪橋，拍波水鳥斜飛。林

臯幽遶涼如雨亂點人衣曲潭脩坂新荷短芰成圍
白板雙扉茶煙輕颺漁磯小店雛鶯江南景未全非被
他重喚揚州夢往事依稀蜀岡凝黛迢迢送我難歸

懷綠庄

于天騏

杜宇枝頭聲聲苦勸人歸幾許閑愁渾隨暖絮低飛綠
陰漸密惜春殘怕捲書帷画樓幽靜夢遊却得依稀
陌畔紅梨還應似舊芳菲往事重思堪憐物是人非高
山流水撫瑤琴塵滿金徽一聲鄰笛淚痕點透羅衣

拂霓裳

冬夜觀劇

陳維崧

釀寒天。六街皓月盪成煙。腰鼓鬧騰騰。雨點打來圓銀
燈籠。暮靄鐵撥迸秋泉。映嬋娟。想後堂笑語總群仙。
教坊絕藝一隊懷智龜年。君不醉風光。辜負十分妍。醉
餘偏惹恨。歸去不成眠。忽悽然。悵桐花一樹翠簾前。

迷仙引

訪迷樓故址

董元愷

棠梨花冷御苑雲深。迷樓何處。堤畔消魂。只送行人來
去。搖蕩春光如許。似把興亡訴。看念四橋頭。三千殿脚。
一天絲雨。往事渾無據。莫問離宮路。蔓草寒煙已耕
斷。隋皇古墓。縱昔日明璫翠羽。被東風添上。數垓黃土。

洞仙歌

元夕

彭孫遒

千門萬戶聽踏歌聲徧一派笙簫暗塵遠有麝蘭通氣
羅綺如雲香過處隱隱紅簾盡捲閒行南北曲玉醉
花嬌爭簇天街鬧蛾轉更誰家豔質燈火鬧珊鸞地裏
夜澄重見向皓月光中費疑猜不道是今宵廣寒人現
岵雲上人蘭若紅梅

陳維崧

傷春病酒日三竿貪睡睡起閒行巷南寺老僧烹活火
碾罷龍團七椀後門外爛柯誰記暮看花朵上顚臉
微烘似帶三分午前醉索笑漫沉吟莫是東鄰茜釵上

火珠初施只認做空門本無愁又誰信枝枝盡彈紅淚

乞巧

碧雲耿耿見銀河低瀉人在針樓曝衣罷告天孫臣本
屠釣江東疎拙甚願以蛛絲巧借天孫含笑答見事
卿遲大抵聰明讓韓啞試看古今來劉項孫曹都箇做
殘編閒話只賜汝狂騃倍常年好爛醉高歌花天月夜

除夕

秋億

歲云暮矣風雪堆寒絮彈指韶華邈難駐歎幾番飄泊
往事成非今宵也甲子又成虛度高歌還痛飲一片
牢騷擲向雲天杳迷處絳蠟待燒殘聽徹清更睡鄉便

許吾爲主更檢點明朝酒詩逋又將及東風早梅新句

題迎秀閣

徐瑤

孤城浪打俯茫茫西沈有碧霄宮瞰其右看無邊風景
煙水空濛漁唱起一幅揉藍吹皺白鷗飛隔浦平楚
熹微幾點青螺遠峰瘦好箇雨晴天濃淡歸雲擁樹杪
夕陽斜透便傑閣凌虛望中迷恰水綠山青鬱然迎秀

西山紀遊

蔣景祁

平郊雨後撲軟塵不起三兩招攜出都市恰草苞欲拆
花睡初醒春何在一片高粱新水揚鞭衝曉色急溜
淙淙映入遙空積屏翠柳葉未藏鶯睂暈將成睇如髮

又看垂耳底須待煙波眼先慵早面得西山離離晴髻

又

經過西頂矚平矚半龔裂帛湖光泛清泚正紅牆彌望
金刹摩崖行人說此去千公禪寺前朝司禮監生荷
恩榮歿許衣冠塋初地石馬泣春霖松栢陰森爭比似
昭陵憔悴惟一霎空巖密雲來又送到清輝夕陽山紫

又

碧雲西去對斜橋欲圯縹緲香山回圖裏揖金仙儼肅
紺宇崔巍東廂轉又見來青軒子宸遊歡豫處筆舞
鸞龍不改思凌舊題字雙闕望中開閉過輕黃隱約是

昭陽初霽更撲得春風杏花天喜盼向黃公酒人如蟻
來青軒三字是故明思陵筆
今上有題普照乾坤四字新額

又

蜿蜒尋徑指精藍暫憇柏磴千盤溼雲翳看葍苔繡餽
霜雪零殘濃陰重夜夜香寒垂地幾人餐得此便未
長生也乞仙靈赤松子煙篆冷金猊藥落空林清磬寂
巢烏誰至更山鬼呼徒嘯而啼悄不記何年錫飛遊戲

又

玉皇傑閣幾欲升如墜數折層崖踏林際訝鳥飛平地
人語半空驚初定四壁天風吹起詩城高適在雅喜

登臨拂蘇濡毫印鈴尾今日奉宸遊一闕清平金蓮

撤宮袍新賜剛畱得當年舊題牋儘暮靄荒煙斜纏薜

荔

玉皇閣壁間
讀高侍講詩

又

園溪退谷看盤旋迤邐鑿破幽巖石流髓喜軒楹可數
水竹無多徘徊久絕近江南次第老僧攜一卷不下

千篇賦盡林巒澗花美鑱壁欲題名梓澤蘭亭俯仰罷
悲歡曷已便信是風流後如今只興感斯文古來同此

又

何年佛臥儘霞衣長曳花影鶯聲付彈指任霜翻柿葉

露滴楓根莎蘿落夜雨齋壇還洗 問今誰獨醒算只
空山應 繩牀竹林睡曷不賦逍遙呼吸虛無灰冷盡
滄桑 念似爾香臺夢能來却道津梁困人如是

又

人畔去人間咫尺河漢微茫慶雲麗隔玉虹難渡
遙臨疑煙霧避暑九成宮是 恩波教遠被散入

城菱浦菱塘足風味新縷乍搖金盤馬絲鷹稱少小
富平年紀漸綠暗千門翠甃聽百轉黃鸝曉粧催未

又

長堤相屬見迷離掩閉彷彿西來靄霞氣有法華全部

費盡洪爐蒲牢吼十萬八千文字。名藍尋正覺梵塔

鬼峩供養諸天簇靈異寶相現莊嚴幾遍摩娑惟隱隱
螺痕纖細試翹首丹樓五雲中却回望山靈面圖誰繪

滿路花

胭脂井

宋 琬

紅牙歌玉樹翠袖翻金縷臨春梳洗罷調鸚鵡陳家狎
客慣把江山賭樓船天塹渡牀下軍書錦賤催寫新句
舊宮晉井欄外青苔古明眸秋水綠爲黃土海棠花
落一片胭脂雨環佩歸何處泉下芳魂至今遺恨擒虎

山家

王 令

山偕野鳥棲雲共孤峰友結廬何處也雙谿陡青松白石那更閒花柳莫訝鄰人少酒熟西家樵漁箇箇攜手日高猶臥不許浮名掛客來誰弄舌黃鸝口雨肥風瘦亂剪南園韭靜裏年華久社鼓詩筒肯教瞞了衰叟

秋夜月

蛟橋月夜

董元愷

長橋月夜拱南山俯荆水清暉平野一望白空城郭翠浮松檟蟾鏡啓彩虹落煙波如畫瀟灑偏照孀侯祠下盡如卿者蛟可屠虎可射人人虞夏剩得陰房鬼火靈旗飄瓦蓼花飛楓葉染悲哉秋也秋光長則向杯中

瀉

華引

贈龍石樓

蔣景祁

青
曲紅粉樓中繡簾一捻笑靨盈盈倚窗學画雙
缺
處天賦多才把琴心輕撥願比鴛鴦夜深私誓
一線恩情更休談渡江桃葉紅塵燕市蕭蕭霜
華
最空使佳人冷落粉面脂篋爲寄花牋做將方勝
重疊

族水

玉蝶梅

李良年

誰剪冰房層層疊就宜和粉。灞橋客醉想蹀躞低徊吟
髣消盡春煙水。邏麴糝沙痕淨。怕素蝶飛來難認。紋
簾醒可還記參橫月落人去後。空香徑家園最憶是第
一番風信。桃李那時年少。只有琅玕竝。池榭小。浸晚涼
清影。

鶴冲天

題蒨鮫小像和葆酚原韻

龔鼎孳

西江晚渚。月白天青處。味史記曾聽袁閼句。美才華繡
虎却待詔金門住。退朝鵷鷺侶。黃絹新詞題徧楚。蘭吳
苧。潘年未暮。肯放投竿去。祿米比侏儒猶堪煮。染漢

南柳色有一片龍池雨煙波余久許尺幅霜綃惹起鑑湖千緒

又

徐乾學

圓沙枉渚識是君棲處柳汁染君衣多佳句徧情濃煙水戲画作扁舟任儘命儔嘯侶桂漿篷窗不讓當年桑苧風清日暮鷗鷺隨人去斫樹東生薪和雲煮喚玉童把簾忽吹散江天雨近前恐未許一捻腰支消盡柳陰衷緒

又

錢澄之

雲沙月渚夢裏曾遊處春草夜來生催佳句爲金門待

詔總交付漁家住。賴詩朋酒侶唱和新聲譜。入舞中歌
芡。扁舟曉暮難趁秋風去。覓取故鄉鱸和煙煮。又飛
觴刻燭且同聽燕山雨。吾衰心未許。扶醉追歡不減舊
年情緒。

又

張翼

鷗汀鶴渚不是君棲處。只合鳳池遊清平句。縱情深漁
浦。怎容得扁舟住。有二三逸侶琴酒從容猶憶秋深白
芡。霜清煙暮幾度尋花去。把釣得銀鱗呼童煮。看鄰
舟送酒儘消受。篷牕雨。桃笙八尺許。九髻吹簫繡被鄂
吾情緒。

江城梅花引

夜雪

錢繼振

脩篁一夜入簷隈。是誰催。雪相催。起趁梅花獨自步閒
堦。雪又不。停風又緊。梅壓竹。竹欺梅。兩相猜。柴門柴
門不能開。玉成堆。粉成堆。撼撼瑟瑟吟。不穩洗盞傾醅。
忽聽離邊剝啄響。蒼苔童子。急將三徑掃。東谿叟爲詩。
來爲雪來。

秋思

曹溶

夕陽山閣戍樓空。厭西風。已西風。何事風吹偏向客愁
中。沙草斜連銅狄路。酒旗捲一程程。繞漢宮。漢宮漢

宮掃殘紅。花一叢。柳一叢。憶也憶也。憶不了。又泣孤鴻。
可惜鴛鴦湖上。冷歸篷。漫道夢魂能識路。今夜裏。比春
來。夢不同。

滿園花

花朝集秋立人甲園分賦

黃夢麟

恰度陽春半。庭院香飛滿。浴紅芳。暗裏年華換。問誰主。
東風早啓芝蘭案。攜手登臨伴。看回欄。玉砌簇映澄溪。
搖亂。聽牆外。鶯聲新睨睨。柳拂斜陽岸。峭石雲橫欲。
斷。借杯影波光勾引。花枝顫芳菲。宴依罰當年金谷也。
臨池灑硯。

剪湘雲

吳江夜泊

湯思季

四野寒蛩一篷小雨。正碧水蒼葭。寄宿煙浦。憶昔箇人
曾恨別。別恨無人更苦。破荒天曉。角宛當初。只心情誰
語。祇覺夢淡。飄雲愁濃。沾霧似失。侶哀鴻。逐伴飛去。
故國他鄉。差底異。浪跡都無歸處。但吟哦。楓冷落。吳江
又重添離緒。

惜紅衣

苦熱懷村居水木之勝

陳維崧

悶欲憑虛。狂思拔宅。人間何窄。朵朵奇雲。殷紅盪潏黑。

溪頭故隱三萬頃湖天一色猶憶菱角蓮鬚滿塘西舍
北蕭蕭陂澤舊日漁船橋邊甚人摘年來鬧市永隔
水雲國安得陽鳥斂絳早喚夜蟾堆碧更試攀華頂剪
取古堯時雪

玉人歌

本意

龔鼎孳

花月事憶東風樓角落紅滿地玉簫金管記取多情未
一團香雪湯天鑒做弄勾魂意恨年時小別青山暫游
萬里婀娜誰家子向五陵年少做他車騎水剪秋眸
生就荷花死明燈今夜垂芳穗人坐濃春裏藉三眠綰

髻半拋還倚。

杭州玉泉寺池中五色魚凡千頭內一種翠藍者最可愛賦之

朱彝尊

輕漣白。愛一種。娉閨。暈藍拖碧。練塘風暖。蒼玉恣拋擲。丹砂泉淺。游朱鬣。受盡人憐惜。又爭如。雨過天晴者般顏色。濠上未歸客。投香飯。青精日斜與食。蓮葉東西。何事便深匿。翠鱗六六空。搖尾懶遞間消息。但年年。映取柳陰千尺。

後周時請薨器式世宗批其狀曰雨過天晴雲破處者般顏色做將來

雪獅兒

咏貓

朱彝尊

吳鹽幾兩聘取狸奴浴蠶時候錦帶無痕。蜀絮堆綿生
就詩人黃九也不惜買魚穿柳。偏愛住戎葵石畔牡丹
花後。午夢初回晴晝。斂雙睛乍墜。困眠還又驚起。藤
簾子母相持良久。鸚哥來否。惹幾度春閨停綉。重簾逗
便請爐邊叉手。

魚遊春水

上谷立春

梁清標

東風開曉市。晴照金臺雲氣紫。春來天上。巷陌漸薰羅
綺。玉燭長調禁苑中。錦鸞爭試香塵裏。吹笛一聲。画樓
獨倚。三輔名城高起。又見髭邊新燕子。青幃兼遇燈

宵韶光信美。閨人劃損釵頭鳳。羈客愁傾樽內蟻。歸夢如醒。流年似水。

湯懷

宋 犖

番馬屏風小。圍向洞房春正好。鴛鴦飛起不道雲深波
杏映日曾憐杏。藥新籠煙還憶楊枝裊。片月常虧雙魚
恁少。遠道萋萋芳草。天外山同眉黛掃。誰知孤客登
臨。揔傷懷抱。輕寒輕暝春歸久。閒悶閒愁秋到早。斷續
哀蛩。蕭疎叢篠。

感憶

鄒祇謨

十五盈盈小。鈿盒暗投心繚繞。流連辛苦不道佳期竟

杳。薜蘿巷裏人何在。豈。蔻花中春已老。淚落天涯斷腸
多少。極目年年芳草。繡閣玉蛾慵不掃。何事尺素傳
來。往鴻悄悄。側側輕寒白日過。濛濛細雨黃昏早。酒醒
更闌數聲啼鳥。

鵲踏花翻

春夜聽客彈琵琶作隋唐平話 史惟圓

殘照如旗遠檣似槩蕭條故壘漁樵話誰將舊曲新翻
緊撥輕彈酸風初透春簾罅低徊試唱小秦王煙塵掃
盡征鞍卸 休訝當日征帆東下雷塘數畝荒臺榭惟
有一片寒波兩行官柳日暮鳥啼罷四條絃裏古今愁

霜鐘敲破孤眠夜

前題

陳維崧

雨滴梅梢雪消蕙葉入春難得今宵暇倩他銀甲淒清
鐵撥縱橫聲聲迸碎鴛鴦瓦依稀長樂夜烏啼分明湓
浦鄰船話腕下多少孤城戰馬一時都作哀湍瀉今
日黑闥營空尉遲杯冷落葉浮清瀾百年青史不勝愁
兩行銀燭空如画

落梅和顧且庵

關 鍵

澹池瓊粧悠颺縞袂臨岐腸斷風流盡憐伊似水年光
和夢心情難忘林下風前韻飄蕭絮撲玉樓遙迷離雪

擁金微近。借問玉貌幾時消損。笛聲三弄空貽恨。未見杏靨梨渦。柳綿桃綬。早與春風趁。羅浮仙夢不堪追。夜寒月冷誰傳信。

冬日途中懷南耕

姚景崇

底事愁予一寒至此。霜凋木葉。蕭蕭下回思舊日圓庵。鳥語花間。飲酣不問旗亭價。倦來欹枕。綠窗前。晴光斜透疎櫺。躡瀟灑禪榻。琴牀低亞。開軒幾幅。雲林圖可念。破帽嘶風。敝裘飢雪。瘦馬長堤也。何時攜酒。援梅花與君漫理漁樵話。

圓庵南耕齋名

春閨

陳維岳

柳眼全舒桃顚盡露滿城都是輕煙裏門前紫燕雙飛
黃鳥嬌啼游絲幾縷牽花朵韶光纔見立存時傷心又
值清明過樓左何處紙鳶飄墮惹人情性難安妥一
晌悶倚離闌慵開粧鏡冷了薰爐火小姑底事不知愁
隔窗偷把金錢鰕

一枝花

別意

錢金甫

接席攜纖手一笑開檀口良宵銀漢影漸橫斗更輕撥
琵琶低唱微酣後話別紅亭久似剖杏分桃心裏人兒
常有調笑處橋平波縐往事難迴首當筵空憶徧高

陽友詩細寫烏絲寄問平安否。奈絮飛殘柳飄泊天涯。
向那處凝粧佐酒。

意難忘

雅集

曹爾堪

一枕滄浪在故園。老矣總勝他鄉。庭柯留晚照寒雁待
秋霜。菱角美芋頭香。寶洛浦伊魴。已慣聽蕭蕭暮雨。聞
唱吳娘。西陵刻燭飛觴。仿古人八達佐史三章。醉同
陶令臥醒亦次公狂。看兩鬢漸蒼蒼。遇斗酒須嘗更相
期。中秋月白重九花黃。

夜汎

方中發

好景誰圖。看斜陽一綫界破平湖。柴門喧罷。棹蓮艇。劈
菰蒲。收渡了。望昏初。誰隔水招呼。只霎時。墟煙零亂。岸
靄模糊。流螢亂灑明珠。真水天共色。倒合冰壺。峰霞
張錦繡。波月碎珊瑚。蘆渚淡柳村。孤看似有。還無。醉眼
中。蒼茫萬頃。何處吾廬。

轆轤金井

出東便門送行輿中有感

錢芳標

綠楊無恙。但堤邊添隊。小鳬眠浪。千里凝陰。做離人愁
況。尋常祖帳。都不似。這番惆悵。錦幃迎來。玉輪碾去。陡
然心上。東華軟塵十丈。似紅牆隔斷。煙浦漁唱。照影

淪漣愛一泓。新漲夢中曾向。只爭欠釣絲輕颺。易擲丁
年難消卯酒。飄零誰傍。

憶筍

輕雷山徑正苔痕。一綫籜龍將迸。雲根剝去。借園丁錢
柄。春芽玉瑩。伴女手纖纖難認。薦共櫻盤香餠。蘭畹甘
疑蔗境。闌干幾回獨凭。想伎船酒渴。僧厨夢醒。茗椀
翻匙。又筠籠攜贈。紫苞微映。猶未到。綠肥風勁。乍削琅
玕。休調鹽豉。淡交偏勝。

法曲獻仙音

寄嚴

覽民顧汾錢寶三舍人

陳維崧

蜀肆先生漢家夫子。新謁帝承明殿。最喜金闈璧人聯。
轡吳郡顧榮揮扇。更傳聞三珠樹。錢起湘靈。怨人傳徧。
思往日江東婉孌。紅燭下挾瑟鳴箏。公讌詎料鳳凰
池三子者。一時妙選。十里朱簾爭看煞。黑頭王椽。只凌
雲一賦。楊意何時方薦。

東風齊着力

咏蝶

張淵懿

鬢髻韓魂依稀莊夢。生愛春暉。修習淡粉闌。巧豔陽時。
是處迷花戀草。頻沾惹曉露侵肌。香叢裏乍高乍下。任
任飛飛。美景正芳菲。悄驀向曲廊瑣院偷窺。嬌黃嫩

白弄影上簾幃。旋捉輕紈小扇。東風軟。飄過牆西。深閨
內。憐伊作對。繡在羅衣。

邯鄲懷古

丁煒

馬首西風。邯鄲古道。落日寒鴉。摩挲倦眼。戰壘暮煙遮。
主父荒宮。鹿走興亡事。從古堪嗟。叢臺上。免葵燕麥。爛
熳橫斜。公子最堪誇。當年結客。門下幾千家。名倡挾
瑟。十日醉流霞。使自平原綠繡也。難買昔日豪華。何須
問黃梁路。近美酒應賒。

露華

豆棚銷夏
之三

陳枋

迷香舊路。訝一架平添別樣蔬圃。罨網捎簷滿院葡萄。
無緒。好趁鼓瑟人間樹底。穠塵潛步。風葉響。非非晚花。
六月疎雨。纖纖摘罷延佇。正月暈乍黃。潏黏珠露。宛
似翦帷籠簾。涼翠簾戶。十點五點飛螢巧。坐葉心來去。
清夜靜。虫娘絡絲不住。